

Adakah Pilihan Nabilah Salah?

hasil karya
Khairunnisa Mohd Isa



Prakata oleh Pengerusi MLLPC



Profesor Madya Dr. Muhammad Faishal Ibrahim

*Setiausaha Parlimen Kanan
Kementerian Pendidikan dan Kementerian Pembangunan
Sosial dan Keluarga
Pengerusi, Jawatankuasa Pembelajaran dan
Penggalakan Penggunaan Bahasa Melayu (MLLPC)*

'Pelajar Aktif, Pengguna Cekap' merupakan matlamat pembelajaran Bahasa Ibunda di Singapura. Murid-murid haruslah dibekalkan dengan bahan bacaan yang kreatif untuk mendorong minat mereka terhadap pembelajaran Bahasa Ibunda. Lebih banyak bahan bacaan yang dapat mereka akses, lebih baik natijahnya.

Siri Nabil dan Nabilah telah diilhamkan pada tahun 2015 untuk murid-murid sekolah rendah khususnya bagi Darjah 1 dan 2 dengan tujuan untuk menambah jumlah bahan bacaan tempatan bahasa Melayu. Buku-buku yang dihasilkan oleh guru-guru Bahasa Melayu Singapura ini telah mendapat sambutan baik daripada kanak-kanak, ibu bapa dan juga para pendidik.

Lanjutan daripada maklum balas tersebut, Siri Nabil dan Nabilah diteruskan untuk murid-murid Darjah 3 dan 4 pula. Terdapat pembaharuan yang telah dilakukan terutama sekali daripada aspek jalan cerita dan penampilan watak-watak dalam siri tersebut agar dapat memenuhi cita rasa para pembaca yang berusia antara sembilan hingga sepuluh tahun. Selain itu, aktiviti-aktiviti susulan setelah membaca disediakan untuk membolehkan ibu bapa dan ahli keluarga terlibat sama. Aktiviti membaca bersama-sama keluarga dapat memupuk sikap-sikap positif dan berpotensi menanamkan nilai-nilai yang baik.

Guru merupakan golongan yang dekat dengan murid. Mereka mengenali minat dan citarasa murid. Oleh hal yang demikian, setiap sumbangan guru dalam penghasilan siri buku bacaan ini amat dihargai. Kepada guru-guru yang telah menyumbang dalam penulisan buku cerita ini, saya mengucapkan syabas dan ribuan terima kasih.

Besar harapan saya agar usaha ini dapat diteruskan dan lebih banyak karya dapat dihasilkan demi kemajuan dan pembangunan intelek anak-anak kita. Semoga mereka bakal menjadi pengguna bahasa ibunda yang cekap dan yakin serta berbangga akan bahasa dan budaya Melayu.

*Burung punai di pucuk rebung,
Anak kedidi terbang berempat;
Bahasa disanjung budaya dijunjung,
Majulah seni bangsa berdaulat.*

PENGHARGAAN

Para Penulis Buku Darjah 3

Zaleha Ahmad

Safidah Samsudin

Fadzilah Mohd Idris

Juliyah Yaacob

Zarina Hashim

Manisah Osman

Nazariah Nasir

Khairunnisa Mohd Isa

Haslinah Osman

Farizan Md Amin

Kaki Bola

Menang Menabung

Jangan!

Segaknya!

Wira dan Wirawati Bento

Mari Berkenalan

Tetap Berguna

Adakah Pilihan Nabilah Salah?

Jemput Makan!

Juara Cilik Wayang Kulit

Pengurusan Pembinaan Buku

Penasihat Projek

Editor

Sekretariat MLLPC

Zafilin Abdul Hamid

Zainaba Omar

Siti Fazila Ahmad

Murshidah Hassan

Nasrudin Raja Sulaiman


Nur Fa'izah Matnoor

Nur Sifa Hussin

Mislimah Misti

Adakah Pilihan Nabilah Salah?

hasil karya
Khairunnisa Mohd Isa



Pameran Aktiviti Kokurikulum

PENGAKAP

TARIAN MELAYU



Nabil dan Nabilah kini berada dalam darjah tiga. Mereka baru sahaja menghadiri pameran aktiviti kokurikulum sekolah mereka.



amera
ktiv
uriku

TARIA



Kini, mereka tahu aktiviti kokurikulum yang hendak disertai oleh mereka.

Pameran Aktiviti Kokurikulum

PENGAKAP


TARIAN MELAYU

Abang tidak sabar
untuk menjadi
seorang pengakap!

Nabilah juga tidak
sabar untuk belajar
menari!

Nabil dan Nabilah berasa sangat teruja
untuk memulakan pengalaman baharu ini.

Hari yang dinanti-nantikan pun tiba.
Hari pertama kegiatan kokurikulum.



Nabilah, Geeta dan Su Yin berkumpul di bilik tarian. Mereka tekun mendengar ucapan selamat datang daripada Cikgu Marina, guru Kelab Tarian.



Cikgu Marina menunjukkan kostum dan perhiasan yang akan digunakan dalam kokurikulum tarian. Nabilah dan kawan-kawannya terpukau melihat kostum dan perhiasan itu.





Mereka diberitahu bahawa mereka akan membuat persembahan untuk Hari Guru pada bulan September nanti.

Nabilah dan kawan-kawannya tidak sabar untuk membuat persembahan di hadapan semua murid pada Hari Guru nanti.

Di dewan sekolah, Nabil, Adam dan Rajesh sedang berkumpul untuk mendengar taklimat.




Pengakap harus:

- 1. berdisiplin**
- 2. bertimbang rasa**
- 3. berani menghadapi sebarang cabaran**



Encik Tan ketua pasukan pengakap menerangkan aktiviti pengakap dan menunjukkan pakaian seragam yang akan dipakai. Nabil amat teruja.

Bulan	Aktiviti
Mac	Minggu Kerja Pengakap
April	Pertolongan Kecemasan
Mei	Perkhemahan



Tugas pertama mereka sebagai pengakap adalah menjaga persekitaran sekolah. Encik Tan membawa Nabil dan rakan-rakannya ke taman eko. Encik Tan menerangkan bahawa persekitaran yang bersih dan nyaman membuat kita berasa selesa.

Nabil dan rakan-rakannya membersihkan taman eko. Mereka menyiram pokok-pokok di sana. Mereka berasa gembira melihat taman eko yang sudah bersih.



Nabilah pula sedang menjalani latihan menari. Cikgu Marina menunjukkan cara mengira dan bergerak ke hadapan dan ke belakang. Cikgu Marina menyuruh semua murid senyum ketika menari.

Nabilah dan rakannya mengikut pergerakan Cikgu Marina. Nabilah bergerak dengan terlalu pantas. Tiba-tiba dia terpijak kaki kawannya. Kawannya memekik kesakitan. Nabilah berasa malu.



Dia mencuba lagi. Kali ini dia terjatuh. Dia tidak dapat menggerakkan kaki dan tangannya serta senyum pada masa yang sama. Cikgu Marina menyuruhnya fokus kepada setiap pergerakan.



Cikgu Marina menyuruhnya duduk dan memerhatikan setiap pergerakan. Nabilah duduk di suatu sudut sambil memerhatikan rakan-rakannya menari.



Selepas waktu makan malam, Ayah bertanya kepada Nabil dan Nabilah tentang pengalaman pertama mereka menyertai aktiviti kokurikulum.


Nabil bercerita dengan penuh ghairah tentang pakaian seragam pengakap. Dia juga memberitahu aktiviti-aktiviti yang akan dilakukannya sebagai pengakap.



Nabilah mula merungut. Dia mengatakan bahawa dia tidak tahu menari dengan betul. Dia tidak boleh mengikut pergerakan yang diajar oleh Cikgu Marina.

Susah sangatlah, Ibu.





Nabilah, janganlah mudah putus asa, sayang.

Perkara baharu memang perlukan masa untuk dipelajari.

Ibu dan ayah Nabilah menegur sikapnya yang tidak sabar. Menurut ayahnya, menari memerlukan masa untuk dipelajari. Yang penting, Nabilah perlu sabar dan rajin berlatih.

Di bilik tidur Nabilah...

Saya baru sahaja menyertai aktiviti kokurikulum ini. Banyak yang perlu saya pelajari. Adakah saya boleh menjadi penari yang cekap?

Ibu mengetuk pintu dan memasuki bilik Nabilah. Ibu memberitahu Nabilah bahawa dia akan membantu Nabilah berlatih menari. Ibu menunjukkan beberapa pergerakan yang mudah. Nabilah bersyukur mempunyai ibu dan ayah yang penyayang dan prihatin.






Nabil dan Nabilah gembira mengikuti aktiviti kokurikulum bersama kawan-kawan mereka. Banyak kemahiran dan ilmu yang boleh diraih jika mengikuti aktiviti kokurikulum.

Glosari

Perkataan	Maksud
taklimat (hlm. 9)	penerangan ringkas tentang sesuatu perkara
merungut (hlm. 15)	berleter; mengomel
menegur (hlm. 16)	mengingatkan
putus asa (hlm. 16)	menyerah kalah
cekap (hlm. 17)	berkebolehan membuat sesuatu perkara
bersyukur (hlm. 18)	berasa berterima kasih



Aktiviti Bersama Keluarga


Nama Aktiviti: Perbincangan

Ibu bapa digalakkan untuk berbincang bersama-sama anak-anak mereka tentang aktiviti kokurikulum.

Soalan-soalan panduan:

1. Apakah yang paling diminati tentang aktiviti kokurikulum yang dilakukan sekarang?
2. Jika diberikan pilihan, apakah aktiviti lain yang ingin dilakukan?





© 2018 Kementerian Pendidikan Singapura

Hak cipta terpelihara. Tidak dibenarkan mengeluarkan ulang, menyimpan atau menerbitkan semula mana-mana bahagian isi kandungan buku ini dalam apa jua bentuk sama ada secara elektronik, fotokopi, rakaman atau cara lain sebelum mendapat izin bertulis daripada pemilik hak cipta buku ini.

Diterbitkan oleh



Ministry of Education
SINGAPORE



Malay Language Learning
and Promotion Committee

**Kementerian Pendidikan Singapura
dan
Jawatankuasa Pembelajaran dan Penggalakan
Penggunaan Bahasa Melayu**

Illustration and Design by Thoughts Creations
Email: sales@thoughts.com.sg

First published 2018

All rights reserved. No part of this publication may be produced, stored in a retrieval system or transmitted, in any form or by any means, electronic, mechanical, photocopying, recording or otherwise, without prior permission of the copyright owner.

**ADAKAH PILIHAN NABILAH SALAH?
ISBN 978-981-11-6406-4**

Printed in Singapore

